

**2022 йилнинг I чорак йиллигида амалга оширилган импорт ҳажми  
ҳамда импортни қисқартириш бўйича кўрилаётган чора-тадбирлар  
тўғрисида  
МАЪЛУМОТ**

**ИНФОРМАЦИЯ  
об объемах импорта и принятых мерах по сокращению импорта  
в I квартале 2022 года**

**I. Комбинат томонидан амалга оширилган импорт таҳлили.**

2022 йилнинг январь-март ойларида комбинат бўйича маҳсулот ва хизматлар импорти ҳажми **14,9** млн. долларни ташкил этди.

“Навоий КМК” АЖНИНГ маҳсулот ва хизматлар импорти таркиби қўйидагича:

1. машина ва ускуналар – **2,2** млн. доллар (улуши 14,8 %), шу жумладан:

- 2 дона юкортиш-етказиб бериш машинаси – 0,8 млн. доллар;
- 1 дона аралаштириш-зарядлаш машинаси – 0,4 млн. доллар;
- 2 дона кўп функцияли шахта машинаси – 0,6 млн. доллар;
- ва бошқа ускуналар (универсал ишга тушириш қурилмаси, мой станцияси) – 0,4 млн. доллар.

2. бутловчилар ва эҳтиёт қисмлар **4,2** млн. доллар (27,8%), шу жумладан:

- карьер техникасига эҳтиёт қисмлар – 3,6 млн. доллар;
- бурғулаш дастгоҳларига эҳтиёт қисмлар ва беғарар асосда олиб кирилган бошқа қисмлар – 0,6 млн. доллар;

3. хом ашё ва материаллар (портлашларни юзага келтирувчи воситалар ва шиналар) – **3,5** млн. доллар (23,7 %);

4. хизматлар – **5,0** млн. доллар (33,7 %).

Комбинатнинг асосий фаолиятига тааллуқли бўлмаган, Маҳаллийлаштириш дастури доирасида ишлаб чиқариладиган маҳсулотлар импорти, шу жумладан оффшор ҳудудлардан импорт амалга оширилмади.

**II. Комбинат бўлинмалари қувватларида маҳаллийлаштирилган маҳсулотлар ишлаб чиқариш.**

2022 йилнинг январь-март ойларида Маҳаллийлаштириш дастури доирасида жами 112 та лойиҳа бўйича **133,3** млрд. сўмлик ёки давр прогнозига нисбатан 100,8 %га маҳсулотлар ишлаб чиқарилди.

Комбинат томонидан ишлаб чиқариладиган ҳамда бошқа корхона ва ташкилотларга сотиш учун мўлжалланган 191 турдаги маҳсулотлар ва хизматлар электрон кооперация порталига жойлаштирилди.

Электрон кооперация портали орқали маҳсулотларни сотиш бўйича жами 23,7 млрд. сўмлик 161 та шартнома имзоланган.

**III. Маҳаллий ишлаб чиқарувчилар билан кооперация алоқаларини кенгайтириш ва кооперация ҳисобига импортни оптималлаштириш.**

2022 йилнинг январь-март ойларида саноат кооперацияси доирасида маҳаллий ишлаб чиқарувчилардан харид қилинган маҳсулотлар ҳажми **979,3** млрд. сўмни ташкил этди.

Комбинатнинг 2022 йилга мўлжалланган “Йўл харитаси”га асосан, импорт ўрнини босувчи маҳсулотлар ишлаб чиқаришни маҳаллийлаштириш ва тармоқлараро саноат кооперациясини кенгайтириш ҳисобига импортни қисқартиришнинг мақсадли кўрсаткичлари **19,5** млн. долларни ташкил этди.

Бундан ташқари, маҳаллий ишлаб чиқарувчилар билан тармоқлараро саноат кооперациясини ривожлантириш ҳисобига импортни қисқартириш бўйича амалга оширилган ишлар доирасида қўшимча равишда умумий қиймати 1,5 млн. доллар бўлган 14 турдаги импорт ўрнини босувчи маҳсулотлар харид қилинди.

Жорий йилда маҳаллий ишлаб чиқарувчилар билан ҳамкорликда уларнинг қувватларида Ф-2475 ва Ф-3100 аралаштиргич лопастлари (“Gidro Stanko Servis” МЧЖ), тожли ва чўқтирма электродлар, сильфонли компенсатор (“Navpromlitmash” МЧЖ), мойланган тормоз накладка ва колодкалари (“Stalmet Group Service” ХҚ), совутиш суюқлиги (“Chilon Lubricants” МЧЖ), тескари осмос, сув фильтри (“Эко Компани” ХҚ), импорт техникалар (CAT, Hitachi, БелАЗ) учун юқори босимли шланглар (“Hydro Component” МЧЖ) каби янги турдаги импорт ўрнини босувчи маҳсулотлар ўзлаштирилди.

Маҳаллий корхоналар томонидан ўзлаштириш учун импорт хом ашё ва материаллар тўғрисидаги маълумотлар комбинат веб-сайти (<https://www.ngmk.uz/>) ва комбинатнинг Электрон кооперация порталидаги онлайн-кўргазмасида (<http://ngmk.cooperation.uz/>) жойлаштирилган.

Бундан ташқари, 2023-2026 йилларда янги маҳсулотларни саноат кооперацияси асосида маҳаллий ишлаб чиқарувчиларда ўзлаштириш мақсадида, комбинат бўйича келиб чиқиши импорт бўлган маҳсулотлари рўйхати “Ўзкимёсаноат” АЖ, “Ўзметкомбинат” АЖ, “Тошкент қувур заводи” МЧЖ ҚҚ, “Ўзбекистон темир йўллари” АЖ, “Тошкент металлургия заводи” МЧЖ, “Ўзэлтехсаноат” уюшмаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларига юборилди.

Комбинат томонидан харид қилиниши кўзда тутилган, келиб чиқиши импорт бўлган товарлар тўғрисидаги маълумотларни Электрон кооперация порталининг “Импорт муқобили бўйича сўров юбориш” бўлимига

жойлаштириш орқали уларни ўзлаштириш бўйича потенциал ишлаб чиқарувчиларни аниқлаш бўйича ишлар олиб борилмоқда.

“Навоий КМК” АЖ жорий йилнинг 3-4 ва 15-16 март кунлари ўтказилган Жиззах ва Сирдарё вилоятлари Тармоклараро кооперация саноат ярмаркасида 130 дан ортиқ номдаги ўз маҳсулотлари ва импорт товарлар намунаси ҳамда 7 мингдан ортиқ номдаги импорт маҳсулотлар рўйхатидан иборат тарқатма материаллар билан иштирок этди. Ярмарка доирасида маҳаллий ишлаб чиқарувчилар билан умумий қиймати 146,0 млрд. сўмлик 238 та ҳамкорлик шартномалари тузилди.

Комбинат томонидан тузилган меморандумлар ва “Йўл хариталари” ижросини таъминлаш мақсадида, йил якунига қадар “шатакка олиш” механизмини қўллаш орқали маҳаллий ишлаб чиқарувчиларнинг қувватларида пневматик перфоратор, графитланган электрод, фаоллашган кўмир, антинакипин, сульфит-спиртли барда, депрессор, “Valeron” маҳсус плёнкаси каби янги турдаги импорт ўрнини босувчи маҳсулотларни маҳаллийлаштириш, шунингдек ферромарганец, темир золдирлари ва арматура ишлаб чиқариш ҳажмларини ошириш бўйича ишлар амалга оширилмоқда.